

## DOCUMENTACIÓN BOLSAS EXCELENCIA MOCIDADE EXTERIOR 2018

As persoas solicitantes deben anexar na aplicación informática e enviar a seguinte documentación escaneada:

- a) Documentación acreditativa da **identidade e nacionalidade española**. Pódese acreditar con calquera destes documentos:

a.1) Documento Nacional de Identidade español.

a.2) Pasaporte español

a.3) Pasaporte ou cédula de identidade doutro país e tamén neste caso debe achegar o certificado de inscrición de nacemento no consulado español.

- b) Documentación acreditativa da residencia **actual** no estranxeiro.

Este requisito pódese xustificar con calquera da seguinte documentación: certificado de inscrición no Rexistro de Matrícula Consular correspondente á demarcación na que teña o seu domicilio, certificado da policía, certificado de empadramento, constancia de residencia actual no seu concello ou localidade, acta notarial, nómina, etc.

- c) Documentación xustificativa do tempo de residencia no estranxeiro durante un mínimo de **dous anos** ininterrompidos inmediatamente anteriores á data de presentación da solicitude.

Este requisito pódese acreditar con calquera da seguinte documentación: certificado de inscrición de matrícula no Rexistro de Matrícula Consular, páxina do pasaporte español co selo do consulado que acredita a data desde a que se reside no exterior, contratos de traballo con prórrogas e nóminas, historia ou vida laboral, constancia de residencia do seu concello ou consello, cursos de idiomas ou de posgrao, etc.

- d) Documentación acreditativa da súa **vinculación con Galicia**:

d.1) As persoas nadas en Galicia: DNI español ou pasaporte español ou certificado de nacemento.

d.2) As persoas non nadas en Galicia e que residiran nesta comunidade autónoma de xeito continuado durante dez anos con nacionalidade española antes de emigrar: certificado histórico de empadramento nun concello galego acreditativo desta residencia de dez anos.

d.3) Os descendentes dalgunha das persoas sinaladas nos dous subapartados anteriores e nados no estranxeiro, deben acreditar toda a liña de descendencia desde a persoa nada en Galicia ou que residira dez anos en Galicia, ata a persoa solicitante da bolsa a través de certificados de nacemento, ou libros de familia, etc. Por exemplo: débese acreditar o nacemento do/a avó/a en Galicia, o do teu pai ou nai (como fillo/a seu) e por último o teu nacemento.

- e) Para os solicitantes **nacidos no estranxeiro**, documentación acreditativa da súa vinculación cun concello galego, presentando o certificado do Padrón de Españois Residentes no Estranxeiro (PERE) .

Para tramitar o certificado do PERE tes máis información no apartado de preguntas frecuentes da web da Secretaría Xeral da Emigración (<http://emigracion.xunta.gal>).

- f) **Título universitario** que dea acceso ao mestrado ou certificado que acredite que o título está en trámite.

- g) Certificado do **expediente académico** de finalización de estudos universitarios:

g.1) No caso de **titulacións españolas**, deben presentar o certificado do expediente académico do título universitario realizado no que conste a nota media na escala numérica de 0-10.

g.2) No caso de **titulacións obtidas no estranxeiro**, ademais do certificado do expediente académico no que conste a nota mínima aprobatoria, deben presentar o documento de **declaración de equivalencia** das notas medias de estudos e títulos universitarios realizados no estranxeiro aos correspondentes españois, que se realizará on-line a través da [sede electrónica do Ministerio de Educación, Cultura y Deporte de España \(MECD\)](#).

Para tramitar esta declaración de equivalencia tes máis información no apartado de preguntas frecuentes da web da Secretaría Xeral da Emigración (<http://emigracion.xunta.gal>) .